

**DE GLORIOSISSIMA
CHRISTI DOMINI
RESURRECTIONE
ORATIO HABITA 6. ID.
APRILIS 1738. IN...**

Giovanni Francesco Enea Preziosi,
Valenti Gonzaga



ORATIO.



In moriente Domino, omnia plandibus, gemitibusque circumsonabant, neque ullus tam ferreus erat, qui posset in tanto casu non flere, non ingemiscere, non commoveri: eam nunc doloris acerbitem novum excipiat gaudium, lætisque de Cœlo nunciis exultantibus desinant luctus, & conticescant lamentationes. Surrexit enim desiderium collum æternorum, ac cunctis gentibus Desideratus surrexit. Redivivus apparuit Christus Jesus, & regnum ejus, quod Pax summa est, Pax quidem Dei, quæ exuperat omnem sensum, omnemque hominum co-

*Gen. 49.
Agg. 2.*

Rom. 14.

Philip. 4.

Digitized by Google

gitationem, quanta cumque tandem illa sit. Gratulemur itaque nobis hanc tantam felicitatem, qua nos gloriosa Christi resurrectio cumulavit. Pacem, inquam, pacem gratulemur, quam ipse hodie Discipulis suis, & universo Christiano orbi annuntiavit. De qua mihi liceat pauca dicere, dum vobis plura cogitare continget.

Psal. 117. Cum multa, magna, atque præclara nobis sunt in hac die, quam fecit Dominus, divinitus impertita, tum illud omnium opportunissimum, quod mortis victor, triumphatorque trophæum Christus statuit præclarissimum, Crucisque merita colligens, unius hæc pacis nomine in nos congerit universa. Quam porro pacem hanc esse credimus, nisi eorum, quibus nos Christi resurrectio donavit, quoddam veluti non complementum minus, quam cumulum? Pax enim hæc illa est, efflagitata jampridem, & expectata semper a bonis omnibus: Pax, inquam, illa, quæ durissimum a nobis jugum æternæ servitutis depulit, & primæva non solum jura plenissime confirmavit humanitatis, sed visa est etiam nos in ipsam transformare divinitatem. Hæc aurea illa ca-

Chrysost. de Resurr.

tena est, quæ cum caducis æterna, cum mortalibus immortalia conjungens, præpotenti nos rerum Domino sic mirifice copulavit, ut sempiterna cum ipso & amicitia, & quadam veluti unitate conjunctissime teneamur. Quidni ita existimaverim? Deletum non adhuc erat aut chi-rographum mortis, aut peccati stipendium: nondum erant in cruce justitia, & *Psal. 84.* pax inter sese osculatæ: Jesum tamen cum Patre audivimus sic pro nobis magnifice colloquentem: Ego claritatem, quam, *Jo: 17.* dedisti mihi, dedi eis, ut sint unum, sicut & nos unum sumus: ego in eis, & tu in me, ut sint consummati in unum. Quanto nos ergo verius hac unitate gloriari oportet in Christo Jesu, qui ubi vita re-floruit sempiterna, & mortem nostram, morte sua delevit, & opus justitiæ pacem *Isa. 32.* nobis obtulit immortalem? Quid vero si non modo pacem, sed pacis etiam abundantiam est impertitus? Nam qui tum alias semper, tum nunc potissimum magnificus in sanctitate fuit, magnificus & in pace voluit honorificentissime prædicari. Ac quemadmodum non solum plena, sed copiosa quoque fuit apud eum redem-

ptio , ita id nobis ejus obtulit resurre-
ctio , ut non modo in plenitudine pa-
cis , sed etiam in multitudine delecte-
mur. Pacem , ait , & pacem suam se no-
bis dare , pacem relinquere : perinde quasi
vel unius nos pacis nomine faciat beatos
non effecisset , vel in ejus partem beati-
tudinis advocaret , ubi cœlestium animis
per universam æternitatem pax perfruen-
da proponitur , cujus nunquam est suavi-
tas interitura . O diem itaque lætitiæ ple-
num , & a Domino vere factum ! O nos
felices , & supra quam aut dici possit ,
aut cogitari , beatos , si tales in omni vi-
tæ statu fuerimus , ut amor cordium no-
strorum Jesus suam nobis pacem imper-
tiri non dedignetur ! Pacem vero suam ,
ut Augustinus ait , eam voluit intelligi ,
quam habet ipse ; quippe nihil in se repu-
gnat , qui nullum omnino peccatum ha-
bet . Pacem suam eam voluit intelligi ,
quam habet ipse , qui mortalis adhuc
dum viveret , nullo unquam vel metu
concuti , vel turbari dolore potuit , quia
mitis , & humilis corde , quia patientissi-
mus vir dolorum . Pacis itaque nostræ
custos , & administra patientia sit : ani-

Jo: 17.

Aug. tract.
77. in Jo:

Matt. 11.
Isa. 53.